

განმარტებითი ბარათი

საქართველოს მთავრობის დადგენილების პროექტზე მდინარეთა სააუზო მართვის გეგმების შემუშავების, განხილვისა და დამტკიცების პროცედურის შესახებ

ა) ზოგადი ინფორმაცია დადგენილების პროექტის შესახებ

ა.ა) დადგენილების მიღების მიზეზი;

----- წლის ----- მიღებული „წყლის რესურსების მართვის შესახებ“ საქართველოს კანონის მიხედვით (მე-3 კარის, მე-13 თავის, 43-ე მუხლის „1.დ“ ქვეპუნქტი) საქართველოს მთავრობას დაევალა ----- წლის -----მდე მიეღო კანონქვემდებარე ნორმატიული აქტი მდინარეთა სააუზო მართვის გეგმების შემუშავების, განხილვისა და დამტკიცების პროცედურის შესახებ.

„წყლის რესურსების მართვის შესახებ“ საქართველოს კანონით დადგენილი ზემოაღნიშნული მოთხოვნა განაპირობებს მთავრობის დადგენილების მიღების აუცილებლობას.

ა.ბ) დადგენილების მიზანი;

დადგენილების მიზანია, საქართველოში მდინარეთა აუზების ინტეგრირებული მართვის მექანიზმის დანერგვის მიზნით, დამტკიცდეს სააუზო მართვის გეგმების შემუშავების, განხილვისა და დამტკიცების პროცედურა.

ა.გ) დადგენილების პროექტის ძირითადი არსი;

წყლის რესურსების მართვის შესახებ საქართველოს კანონი ეფუძნება წყლის რესურსების ინტეგრირებული მართვის პრინციპებს. წყლის რესურსების ინტეგრირებული მართვის უზრუნველყოფის მიზნით, კანონი ითვალისწინებს საქართველოში მდინარეთა სააუზო მართვის მექანიზმის დანერგვასა და შესაბამისი სამართლებრივი და ინსტიტუციური

საფუძვლების შექმნას. კანონის მიხედვით, მდინარეთა აუზების დონეზე წყლის რესურსების დაცვისა და გამოყენების რაოდენობრივი და ხარისხობრივი პარამეტრების დადგენისა და წყლის რესურსების მონიტორინგის სამართლებრივ საფუძველს წარმოადგენს მდინარეთა აუზების მართვის გეგმები. საქართველოს ტერიტორიაზე გამოყოფილ თითოეული სააუზო უბნისთვის უნდა შემუშავდეს ცალკე გეგმა, რომელსაც დაერთვება შესაბამისი ღონისძიებათა პროგრამა.

მდინარეთა სააუზო მართვის გეგმებით გათვალისწინებული პერიოდი მოიცავს 6 წელს. ამ პერიოდის გასვლის შემდეგ უნდა მოხდეს არსებული ინფორმაციის გადახედვა და ახალი გეგმის შედგენა.

მდინარეთა სააუზო მართვის გეგმები შესაბამისობაში უნდა იყოს წყლის რესურსების დაცვისა და გამოყენების ეროვნულ პროგრამასთან, რომელსაც შეიმუშავებს წყლის რესურსების დაცვისა და გამოყენების სამთავრობო კომისია და ამტკიცებს საქართველოს მთავრობა. წყლის რესურსების დაცვისა და გამოყენების ეროვნული პროგრამა მოიცავს 15-წლიან საგეგმო პერიოდს და ამავე პერიოდისთვის განსაზღვრავს ეროვნულ დონეზე წყლის რესურსების დაგეგმვისა და მართვის ძირითად მიმართულებებს.

მდინარეთა სააუზო მართვის გეგმების შედგენაზე პასუხისმგებელი სახელმწიფო ორგანო არის საქართველოს გარემოსა და ბუნებრივი რესურსების დაცვის სამინისტრო, რომელიც შეიმუშავებულ გეგმების პროექტებს დასამტკიცებლად წარუდგენს საქართველოს მთავრობას. მანამ, სანამ მოხდება მდინარის აუზის მართვის გეგმის საბოლოო დამტკიცება უზრუნველყოფილი უნდა იყოს გეგმის პროექტის საზოგადოებისთვის მიწოდება და საჯარო განხილვა.

“ასოცირების შესახებ შეთანხმება ერთის მხრივ, ევროკავშირს და ევროპის ატომური ენერჯის გაერთიანებას და მათ წევრ სახელმწიფოებსა და მეორეს მხრივ, საქართველოს შორის” (მუხლი 306) გულისხმობს საქართველოს კანონმდებლობის დაახლოვებას ევროკავშირის იმ საკანონმდებლო აქტებთან და საერთაშორისო სამართლებრივ ინსტრუმენტებთან, რომელიც მითითებულია ასოცირების შესახებ შეთანხმების XXVI დანართში, ამავე დანართის დებულებების შესაბამისად.

საქართველოს კანონი “წყლის რესურსების მართვის შესახებ” აგრეთვე მოითხოვს, რომ ამ კანონით განსაზღვრული კანონქვემდებარე ნორმატიული აქტები მიღებულ იქნას ევროკავშირის სამართლებრივ აქტებში ინტეგრირებული ნორმატიულ-ტექნიკური ხასიათის მოთხოვნების გათვალისწინებით (მე-3 კარის მე-13 თავის, 44-ე მუხლი “მისაღები კანონქვემდებარე ნორმატიული აქტების ჰარმონიზაცია ევროკავშირის კანონმდებლობასთან“).

დადგენილების წარდგენილი პროექტი შემუშავებულია აღნიშნული მოთხოვნების გათვალისწინებით.

ბ) საფინანსო-ეკონომიკური გაანგარიშება, რომლებსაც გამოიწვევს წარდგენილი პროექტის მიღება;

მთავრობის დადგენილების წარდგენილი პროექტის მიღება არ გამოიწვევს ხარჯების გამოყოფის აუცილებლობას მდინარეთა სააუზო მართვის გეგმების ამოქმედებამდე. ხოლო მდინარეთა სააუზო მართვის გეგმების ამოქმედების შემდგომ, აუცილებელი ხარჯების ოდენობა დამოკიდებული იქნება აღნიშნული გეგმებით დადგენილი ღონისძიებების ხასიათსა და მასშტაბზე.

გ) მთავრობის დადგენილების პროექტის ავტორი და წარმდგენი;

მთავრობის დადგენილების პროექტის ავტორი და წარმდგენია საქართველოს გარემოსა და ბუნებრივი რესურსების დაცვის სამინისტრო.

დადგენილების პროექტი შემუშავებულია ევროკარშირის პროექტის „საერთაშორისო მდინარეთა აუზების გარემოს დაცვის“ ფარგლებში.